



ASUNTO : **CONSEYU ASESOR DE LA LLINGUA 2015-2019**

ACTA DEL CONSEYU ASESOR DE LA LLINGUA ASTURIANA  
SESIÓN ORDINARIA CELEBRADA'L DÍA 25 DE MAYU DE 2017

Nel Aula 1 del Centru de Cultura Antiguu Institutu, y siendo les 19 hores y 5 minutos del 25 de mayu de 2017, entama la xunta ordinaria del Conseyu Asesor de la Llingua Asturiana del Ayuntamiento de Xixón, presidida por Dña. Ana Monserrat López Moro.

Asisten na so calidá de vocales y en representación de los grupos municipales de la corporación: el representante de Foro Ciudadanos, D. Xicu Xabel Díaz Yepes; el representante de Xixón Sí Puede, D. Daniel Fernández Blanco y D.Joaquín Merediz Vidal, representante del Partíu Ciudadanos .

En representación de la Conseyería de Cultura y Deporte, D. Fernando Padilla Palicio; en representación de les xuniones comarcales sindicales asiste D. Pablo Iglesias Iglesias, por Comisiones Obreres (CC.OO) . Los representantes nomaos pola Alcaldía: D. Ramón d'Andrés Díaz y D. Amadéu Benavente Rodríguez. D. Álvaro Granda Carreño, representante del Conseyu de la Moceda de Xixón, D. Xuan Fernandi Bas, en representación d'Iniciativa pol Asturianu, D. Humberto Gonzali García, en representación de l'Asociación Cultural l'Arribada, D. David Guardado Diez en representación de Reciella, Families pol asturianu y D. Ánxel Nava en representación de la Tertulia Cultural El Garrapiellu.

Disculpen la non asistencia'l representante de l'Academia de la Llingua Asturiana, D. Pablo Xuan Manzano Rodríguez; el representante del grupu municipal del PP, D. Jose Manuel Martínez Vega, el representante de la Federación d'AA VV de la zona rural, D. Xuan Pandiella Sánchez; Dña. Carmen Moreno Llana en representación de la Unión de Comerciantes de Xixón y Dña. Yolanda González Huergo, en representación de la Xunta pola Defensa de la Cultura Asturiana.

Nin asisten nin xustificuen la non asistencia'l representante d'OTEA, D. Ricardo Álvarez Díaz; D. Manuel Cañete Pantoja, representante de la Federación Xixonosa AA VV; Dña. Ana M<sup>a</sup> Fueyo, representante de las UXT; D. Xandru Armesto Fernández, representante de SUATEA.y D. Isaac Piñera Blanco, representante de la USO; tampoco'l representante del Grupu Municipál de Izquierda Xunida

Pa rematar, asiste y fai de secretaria Dña. M<sup>a</sup> Xosé Rodríguez López, Responsable de la Oficina de Normalización Llingüística de Xixón.

En lleendo y aprobando l'acta de la sesión anterior, la Presidenta da la bienvenida a les persones presentes y sigue col orde del día que ye'l que vien darréu:

1. Llectura y aprobación del acta de la sesión anterior.
2. Propuesta d'adaptación del Manual d'Identidá gráfica a la toponimia Oficial

3. Breve análisis de los datos d'escolarización n'asturianu na última década en Xixón.
4. Propuestas de programación pal año 2018 por parte del Conseyu Asesor
5. Sigüimientu del Plan de Normalización
6. Encamientos y entrugues

La Presidenta cede la pallabra a Dña. M<sup>a</sup> Xosé Rodríguez López, Responsable de la Oficina de Normalización Llingüística, que fai un repasu de les distintes propuestas que se desenvuelven n'otros sitios del estáu español con nome bilingüe y después decídese que dende'l Conseyu se vayan dando pasos pa solicitar el cambiu del nome y se valore l'adautación del Manual d'Identidá Gráfica a la nueva realidá toponímica.

Darréu preséntase un powerpoint colos datos d'escolarización dende'l 2004 hastal cursu 2016/2017, decidiendo que se van mandar estos datos per corréu electrónicu y también s'informa de los últimos aconceyamientos con responsables de los distintos departamentos pal cumplimientu del Plan de normalización Llingüística

El representante de Ciudadanos, valora positivamente la iniciativa de que l'Arcu Atlánticu tea dedicáu a les llingües y plantea la posibilidá de dedicar, de manera xeneralizada un día a la llingua nos distintos espacios culturales una vez al mes.

D. Fernando Padilla Palicio desplica la iniciativa qu'en materia d'educación va entamar la Conseyaría pal nuevu cursu escolar, col plan pilotu del usu del asturianu como llingua vehicular en seis centros pilotu.

D. Ánxel Nava, valora mui positivamente'l llabor del Conseyu de Xixón nestos años y plantea la importancia del bilingüismu nos catálogos y nel mundu del arte.

Tamién se destaca lo importante que sería pa la visualización y normalización del asturianu actos de relevancia pa la ciudá del usu del asturianu na entrega de les medayes de la ciudá

Ensin más asuntos que tratar, llevántase la sesión siendo les 20hores y 15minutos.

Gijón/Xixón, **26 de mayu de 2017**

L A RESPONSABLE DE LA OFICINA DE  
NORMALIZACIÓN LINGÜÍSTICA



Fdo.: M<sup>a</sup> Xosé Rodríguez López